

# JUNIOR SECONDARY CERTIFICATE

**OTJIHERERO FIRST LANGUAGE**

**1106/1**

PAPER 1 Reading and Directed Writing

2 hours

Marks 60

**2019**

Additional Materials: Answer Book

## INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.
  
- Answer **all** questions.
  
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

## OMARAKIZA NONDJIVISIRO KOVARORWA

- Tjanga omaziro woye mEmbo rOmaziro rapeke ndi mo pewa.
- Tjanga Onomora nEna rOmurorwa kEmbo rOmaziro.
- Tjanga nopena omburau poo onḍorozu.
- O ungurisa otipekisa onḍemise.
  
- Zira omapuriro **ayehe**.
  
- Yandja ombango kondjangero osemba, oviraise vyokuresa nondungiro yomihewo.
- Otjivaro tjozongombe tja yandjwa moukovero [ ] komaandero wepuriro poo orupa rwepuriro arihe.

This document consists of **6** printed pages.



Republic of Namibia

**MINISTRY OF EDUCATION, ARTS AND CULTURE**

## ORUPA O-A

Resa ehungi ndi nu u zire omapuriro ngu maye kongorere ku ro.

### Tjevera orukupo mukazona

Omuano otukupo twomihoko pekepeke mOnamibia mbu tu kaenda mo kamuna kutja muna ozongaro tjiva nḁe hitasana nu tjinene komeritjindiro poo omatjindiro womuvarekwa. Ovavarekwa ve rongerisiwa tjinene i yeḁunḁu re nu tjinene i ina na hongazye. Ovaherero, Ovambanderu nOvahimba nOvandamara omuatje omuzandu tji ma kapaherwa omukazendu ku yenda omurumendu ihe nongundwe. Ovambo ku kavareka ngamwa nangarire epanga romuatje ngwi omuzandu. Mombazu yOvaherero, Ovambanderu nOvahimba ovanene tji va utu okuhungirira kovitunya (otjimariva tjorukupo) nomayuva tji ya utu okutuwapo omukazendu ka uhara ama ryanga ousondoro momapanga rukwao. Omukazendu hongazye ongu pewa otjiungura otjinene tjokutjevera nokurongerisa omuatje we ngwi.

Otja konongo yombazu omutengwa Jarimbovandu Kaputu: “Omuatje ngwi u rongerisiwa tjinene koviungura vyoponganda tjimuna okukanda ozongombe, okuḁuka ozonḁukwa, ondjindiro yomurumendu na vyarwe. Eye u hongwa ongaro yokutenga nokuyandja orusuvero komurumendu. Oviḁa mbi u hongwa iina, hongazye novaramwe mbe ri pu na ye ponganda.” Omayuva worukupo tji maye yende amaye susupara omuvarekwa ngwi otje ḁarisiwa mondjuwo nokuhina okupita pendje. Mondjuwo ndji nambano u rivava otjize nokuhuwa ovizumba, moviḁa mbi murungwa omaze wozoombe zonganda yavo kutja nambano ma sopoke nawa. Eye wina u pewa otjize monya yongombe notjizumba tje perwa motjingaha tjonduzu notjihanda okukangerako ozombanda ze. Omarongerisiro nga owo oyeni ye uta ngunda omuatje omukazona ae ri omuḁiti kakutja orondu tja varekwa uriri.

Omuatje omukazona wOmuherero u tjaerwa okuumba omise mavete ozombwa nokuravaera ma zvakere kozonganda zomeḁe ngunda aeri omuḁiti. U sokurihata tji ma haama. Mombazu yOvambo omuvarekwa u yenda konganda tji kwa sewa ovivike vivari ngaku vitatu okuyenda komukandi. Eye ka yandjerwa okupita ponganda nokuhina ousemba wovanene ve. Otjiungura otjinene tje ungura tje ri ponganda okuḁanga ovanu komukandi we. Omayuva womukandi tji ya susupara omuatje ngwi omuhuka omunene umwe u yenda kondjuwo yaina okekaza okukahaama komuvanda wavo pokuruwo kwavo. Tjandje nai pokuruwo ngwi pa yakurisiwa omuriro. Okuruwo ngwi ku isanewa meraka ravo kutja oshotoshondjugo. Omuvarekwa ngwi okutja u sokuhitwa i yomuisse mbwi otjotjiyarisiro tjokutja orukupo ndwi rwa serwa ondaya. Okutja omunene we umwe otje mu pa otjiyandjewa otjitenga, otjo tjitji paturura omivero ku vyarwe mbi mavi ya okuza komapanga novatjiwasane. Eye nambano ma yenene okuyenda pu na ovangu ve va ina omuangu poo ihe omuangu koyovandu pekepeke mbu mave mupe oviyandjewa. Posiya oviyandjewa tjiva mavi yenene okuyetwa ponganda. Omuvarekwa ngwi tji ma karyanga koyomumuvareke u tarewa nawa i yovanene ve kutja we riḁunu nawa.

Komunda imbwi owarwe Ovandamara ve tja omuvarekwa wavo u sokuyenda konganda ku ina, tji kwa sewa ovivike vitatu okuyenda kuvine komurungu womukandi. Ngunda ae ri ponganda u vaterwa i yovanene ve okuungura ozongoho zopomaoko novingombwe. Otja konongo yombazu oserekaze Rosa Namises: “Omuarekwa u sokuyenda ku ina orondu ina yomundu onguma rongerisa omundu nawa kokurira omukazendu omusemba.” Eye u hongwa oviungura vyokuzika, ongaro ombwa yomekurisiro womuatje noviungura vyarwe vyomukupwakazendu. Omuvarekwa u pewa omaze wokurivava nge tuwa monya yongombe notjizumba wina tje perwa motjingaha tjonduzu tjimuna Ovaherero.

Okutja tjii ngwi omuvareke u ri mwani? Omuvareke ka munu omahongero na yemwe pendje naye okuyenena okuhorera ku imbi ihe mbye tjita tje ri pu na ina. Omundu ngu umbwa nao morukupo nokutja naa ngarire okutara kwe kutja ma kondjisire munda uŋe. Ombango aihe tjiwa tara mozombazu azehe nda i yandjwa komuvarekwa porwe. Ihi tji yetwa i ingwi okutja omukupwa meyuva rorukupo u undjirwa okupwa tjinene okukapita avehe mbe ri pomukandi nangarire ingwi omumukupe. Otjina tjimwe tji twe rihonga mozombazu nda okongwi okutja omukazendu u kara kehi yondjeverero yokuŋizirwa mondjuwo tjaa ngaa kahakaena ku na ovanavita mena rorukupa kaahe ngu kara nohange omundu tji ma kupwa poo tji ma kupu. Omukupwa ma yenene okutoorwa ondambo ai twarewa kozondjai ndu maze katjita kutja orukupo ndwo ru kazundake poo umwe ma pandjare omuinyo we. Omukupwa u zarisiwa ohorokweva ombapa ndja yatatwa nawa otji mape tjiukwa kutja nangwari omukandi nu ukondja otja puma yenene okukara mondjuwo nokurihwa otjize kutja omurungu we auha pitasana tjinene nombanda ombapa ndji.

### Otjiungura 1

Okuzira omapuriro 1 – 6 tjanga oreŋera indji pu pe neziriro esemba porwayo.

- 1 Ovavarekwa mombazu yOvaherero ve rongerisiwa tjinene i ...
  - A ina na hongazye.
  - B omurumendu we.
  - C omumuvareke nomapanga we.
  - D omarumbi novaŋena. [1]
  
- 2 Mombazu yOvaherero nOvandamara ouŋe ngu varekera omurumendu?
  - A omapanga we
  - B ihe nongundwe
  - C ina na hongazye
  - D ovaramwe [1]
  
- 3 Oviungura vyoponganda omukazona ke rongerisiwa tjinene otja kOvaherero i rira oviungura tjimuna ...
  - A okukavira oukambe.
  - B okutjera ozongombe.
  - C okukanda ozongombe.
  - D okuhurisisa oungombona. [1]
  
- 4 Mombazu yOvambo omuvarekwa otjiungura otjinene tje ungura tje ya ponganda komurungo rukupo oku ...
  - A rikoha.
  - B uta okuzika ovikurya vyomukandi.
  - C ŋanga ovanu komukandi.
  - D yakurisa omuriro momuvanda. [1]

- 5 Oshotoshondjugo ovikwaye otja kehungi ndi? [1]
- A Omuvarekwa  
B Ena rokuruwo kOvambo  
C Omuramwe womuvarekwa  
D Ohorokweva yomukupwa
- 6 Omaze wokurivava nge yandjwa komuvarekwa wOmundamara nOmuhherero ye tizirwa mo ... [1]
- A ngoho.  
B tjingaha tjonduzu.  
C tjihanda.  
D nya yongombe. [6]

### Otjiungura 2

- 7 Raisa kutja omaheya ngo **Ouatjiri** poo **Kauatjiri**. [1]
- (a) KOvambo omuatje omuzandu u yenena okukavarekerwa i yepanga re. [1]
- (b) Omuatje womuhherero okurongerisirwa orukupo uuta indi tja varekwa. [1]
- (c) Omuatje omukazona u sokurihata tji ma haama. [1]
- (d) Omuvareke munda mbo we u rongerisiwa iihe. [1]
- 8 Ketisa o **A** ku no**B** tjanga ozoretera (a) – (c) nu u tjange onomora ndja kete poretera aihe.

A		B	
(a)	Ovambo	(i)	Omuvarakwa u yenda ovivike vitatu nga ku vine konganda komurungorukupo.
(b)	Ovaherero	(ii)	U yenda pu na ovangu ve konganda.
(c)	Ovandamara	(iii)	Omuvarakwa karyanga ousondoro omayuva worukupo tji ya twakewa
		(iv)	Omuvarakwa u yenda ovivike vivari nga ku vitatu konganda komurungorukupo.

[3]

[7]

### Otjiungura 3

- 9 Twako oviṅa vivari omuatje wOmuhherero mbye tjaerwa okutjita okuzira kouṅiti we? [2]
- 10 Omuvarekwa wOmundamara tje ya ponganda u vaterwa okuungura tjike i ovanene ve? [2]
- 11 Ondambo yomukupwa tji ya toorwa i twarewa pi? [3]

[7]

[20]

## ORUPA O-B

Nambano resa ehungi ndi nu u zire omapuriro ayehe ngu maye kongorere kehi mbo.

### Omapiro yeeta onyonokero onyingi

Momanyoneno wokuti ayehe ngu matu tjiwa, omapiro wokuti onge tiriwa tjinene mena rokutja oomazeu okutjaera, omanaumba tjinenenene yeeta onyoneno ombi kominyo vyovandu, ovipuka nokuti. Tu muna ourumbu, omakurakuriro wehi, omipupo, ozombepo ovisukusuku, ozovolkano na vyarwe ovingi.

Omapiro wokuti kaye yenene okutjaerwa oupupu nu otji ye nyona ozohekta omangete mangara yetano ngaku hambombari zehi ombura aihe mOnamibia. Omapiro nga nambano yekuna omburuma onyingi tjinene movaŕuta novature avehe tji matu yendere oruveze rwombepo nokuti okukukuta mu Suramazeva na Katjose. Kutja, ovatjevere vokuti nozonganda ozondemise zomiriro ze kondja otja pu maze yenene okurakiza ovandu okuritjevera nokutjevera okuti kwetu nawa. Onyoneno yokuti omapiro ye i kambura okuti okwingi tjinene mOnamibia, ovikunwa vi nyonwa okutja ovature mbe hupa movikunino ve pandjara ovikunwa vyawo nu wina tu yenena okupandjarisa ominyo vyovandu novipuka. Ongondononeno ndja tjitwa mOnamibia i yarisa kutja omapiro wokuti moruveze rwombura ye etwa i orutjeno rwombura orwo ru yenena okuveta omiti, ozongoze zotutjeno kovihende nu otji pe yenena okutambuka omuriro mbu mau kanyosa okuti nu motuveze ihwi otwarwe tu yetwa i ovitjitwa vyovandu tjimuna omanyosiro wovihende, ouŕoropora, omaunguriro womakara, omausarute nge imbirahiwa osumara, omiriro vyzopikinika (ovandu mbe ri nana mokuti), ovihauto tji mavi hingwa poŕa pupena ehazu ere vi yenena okutoora ehazu ndo avi ŕunisa koingina oyo ndji na oupyu rukuru okutja ohauto ndji otjii yakura ai nyosa okuti wina. Ombepo, omiru, oupyu wevaverwa nomakukutiro wokuti ivimwe vyoviŕa mbi yandja omasa komapiro okuyeruruka. Okuti tji kwa pi okutja ouzera, oupuka imbwi ouŕiŕi, ovipuka imbi ovinene, ovimbuku nomiti imbi ovinene vinyonwa okuyanda. Omiriro mbi vi yenena okuyaka oure womayuva poo ovivike ovingi amaavi zemisiwa nu otji vi nyosa ehazu rovinamwinyo na indi rokutunga nu okuti tji kwapi ovanazongetjesa ve pandjara otjitjamurongo otjingi tji tjiza movaryange mbe hitira okuye kuyeva nokutara ovipuka. Ovanamibia ve zemburukisiwa ombura aihe kutja ourizirira womuture auhe okutjevera nokutjaera omapiro.

Otukondwa tjinene tutu ŕunwa i omapiro wokuti; Orukondwa rwa Zambezi, Kavango, Omaheke na Tjondjupa posiya otupa tjiva twa Musati, Oshana, Oshikoto, Kunene na Khomas tu wira mouzeu mbwi noho movikando tjiva nao. Tjiva womapu nge tjita kutja ondjeverero yomapiro aiha kayenda nawa, okuhina ku twapo otjitjamurongo tjitja yenene kokuvatera mozondauriro novihepwa vyarwe, omahakaeneno nomaunguriro wa kumwe omangundi pokati kovature mozoresevate, okuhina ndjiviro osemba mokuzemisa omiriro, na wina okuhina oviungurisiwa ovizemise vyomiriro ovisemba motukondwa twokozombanda tjimuna ozombanda ozongukutu nawa, ozotenga zomeva ozonene novihauto ovinamasa vyokuyenda navyo komapiro. Omundu moruveze ndwi moningire nomerisusuparisiro kutja otjirwa tjokutjaera nokutjurura omapiro wokuti tji sokusekamenwa i otutu pekepeke mOnamibia tjimuna; Orutu rwOmoruveze rOuzeu, ozomberoo pekepeke zohoromende, otuwano twotutu twovaŕuta atuhe. Ngwari Oministra yOrupa rwOtutumbo nOvikunwa, Omeva nOmahwa, Omuheŕendu John Mutorwa ombura aihe aazemburukisa ovature va Namibia okuritjevera nokutjevera okuti kwetu komapyiro. Komurungu we pe yarisa kutja: “Tji matu vanga kutja ozondjito nda ze yandekwe okutja ondjito ngamwa aihe ndji mai yetisa komapiro wokuti i sokuvarwa otjongatukiro onene moveta yehi nu ngamwa ngwa munikwa u sokupangurwa nokupewa omberero ndje mu pwire”.

Omeritjeverero omasemba okuka ozondauriro meṅe yozondjira inḁa ozonene kutja omuriro auha ruruma ondjira na wina okukondoroka ozokamba ozonene, ozondama zomeva nḁe ri mokuti okukara nomeva potjinyo okutja okupomberwa omeva aruhe na wina okukara novitjurure vyomiriro popezu oiri aihe.

### Otjiungura 1

- 12** Omanyoneno yeṅe wokuti nge tiriwa tjinene nu ongwaye tji ye tiriwa? [3]
- 13** Handjaura ovitjitwa vyovandu mbi mavi yenene okuyeta oumba womapiro wokuti. [5]
- 14** Mape munika aayo pe na ovinenge mbi yandja omasa kutja omapiro ye yeruruke. Handjaura ovinenge mbi. [3]
- 15** Ondjeverero yomapiro kai kayenda nawa handjaura omapu nge tjita kutja pe kare nouzeu wondjeverero ndji. [5]
- 16** Omuheṅendu John Mutorwa aayarisa kutja nga pe tji twe vi kutja ozondjito nḁa ze yandekwe? [4]
- [20]**

### Otjiungura 2

- 17** Ove otjomunane worutu rwovaṭuta handjaura omauzeu nge yetwa i omapiro wokuti kokarukondwa kwoye, korupa rwozombuze (Keetute) nokutja otjoningira ohoromende okuvatera vi.
- Oure wombapira yoye nga rire omambo pokati ke **150** nga ko – **200** nao. [20]